

虞

初

志

無雙傳

虞初志五

唐王仙客者建中中朝臣劉震之甥也  
初仙客父亡與母同歸外氏震有女曰  
無雙小仙客數歲皆幼稚戲弄相狎震  
之妻常戲呼仙客爲王郎子如是者凡  
數歲而震奉孀姊及撫仙客尤至一旦  
王氏姊疾且重召震約曰我一子之念  
可知也恨不見昏宦無雙端麗慧聰我

深念之異日無令歸他族我以仙客爲  
託爾誠許我瞑目無所恨也震曰姊宜  
安靜自頤養無以他事自撓其姊竟不  
痊仙客護喪歸葬襄鄧服闋思念身世  
孤子如此宜求婚孀以廣後嗣無雙長  
成矣我舅氏豈以位尊官顯而廢舊約  
邪於是飾裝抵京師時震爲尚書祖庸  
使門館赫奕冠蓋填塞仙客既覲致于

學舍弟子爲伍舅甥之分依然如故但  
寂然不聞選取之議又於窻隙間窺見  
無雙姿質明豔若神仙中人仙容發狂  
唯恐姻親之事不諧矣遂嚮囊橐得錢  
數百萬舅氏舅母左右給使達于廝養  
皆厚遺之又因復設酒饌中門之內皆  
得入之矣諸表同處悉敬事之遇舅母  
生日市新奇以獻雕鏤犀玉以爲首飾

舅母大喜又旬日仙客遣老嫗以求親之事聞於舅母舅母曰是我所願也卽當議其事又數夕有青衣告仙客曰娘子適以親情事言於阿郎阿郎云向前亦未許之模樣云云恐是夢也仙客聞之心氣俱喪遽且不寐恐舅氏之見棄也然奉事不敢懈怠一日震趨朝至月初出忽然走馬入宅汗流氣促驀言

鑰却大門鑰却大門一家惶駭不測其  
由良久乃言涇原兵士反姚令言領兵  
入含元殿天子出苑北門百官奔赴行  
在我以妻女爲念略歸部署疾在仙客  
與我勾當家事我嫁與爾無雙仙客聞  
命驚喜拜謝乃裝金銀羅錦二十馱謂  
仙客曰汝易衣服押領此物出開遠門  
覓一深隙店安下我與汝舅母及無雙

出啓夏門遶城續至仙客依所教至日  
落城外店中待久不至城門自午後肩  
鐮南望自斷遂乘驄秉燭遶城至啓夏  
門門亦鐮守門者不一持白梃或坐或  
立仙客下馬徐問曰城中有何事如此  
又問今日有何人出此門者曰朱太尉  
已作天子午後有一人重戴領婦人四  
五輩欲出此門街中人皆識云是租庸

使劉尚書聞司不敢放出近夜追騎至  
一時驅向北去也仙客失聲慟哭却歸  
店三更向盡城門忽開見火炬如晝兵  
士皆持兵挺刃傳呼斬斫使出城搜城  
外朝官仙客捨輜騎驚走歸襄陽村居  
三年後知剋復京闕重經海內無事乃  
入京訪舅氏消息至新昌南街立馬彷徨  
之際忽有一人馬前拜熟視之乃舊



使蒼頭塞鴻也鴻本王家生其舅常使  
得力遂留之握手垂涕仙客謂鴻曰阿  
舅阿母安否鴻云並在興化宅仙客喜  
極云我便過街去鴻云某已得從良客  
戶有一小宅子販繒爲業今日已夜郎  
君且就客戶一宿來早同去未晚遂引  
至所居飲饌甚備至昏黑忽聞報曰尚  
書授僞命官與夫人皆處極刑無雙已

入掖庭矣仙客哀冤號絕感動鄰里謂  
鴻曰四海至廣舉目無親戚未知託身  
之所又問曰舊家人誰在鴻曰唯無雙  
所使婢採蘋者今在金吾將軍王遂中  
宅仙客曰無雙固無見期得見採蘋死  
亦足矣由是乃刺謁以從姪禮見遂中  
具道本末願納厚價以贖採蘋遂中深  
見相知感其事而許之仙客稅屋與鴻

蘋居塞鴻每言郎君年漸長合求官職  
悒悒不樂何以遣時仙客感其言以情  
懇告遂中遂中薦見仙客於京兆尹李  
齊運齊運以仙客前銜爲富平縣尹知  
長樂驛累月忽報有使押領內家三  
十人往園陵以備灑掃宿長樂驛羶車  
予士乘下訖仙客謂塞鴻曰我聞宮嬪  
選在掖庭多是衣冠子女我恐無雙在

焉汝爲我一窺可乎鴻曰宮嬪數千豈  
便及無雙仙客曰汝但去人事亦未可  
定因令塞鴻假爲驛吏烹茗於簾外仍  
給錢三千約曰堅守茗具無暫捨去忽  
有所覩卽疾報來塞鴻唯唯而去宮人  
悉在簾下不可得見之但夜語喧譁而  
已至夜深羣動皆息塞鴻滌器構火不  
敢輒寐忽聞簾下語曰塞鴻塞鴻汝爭

得知我在此也郎健否言訖嗚咽塞鴻  
曰郎君見知此驛今日疑娘子在此令  
塞鴻問候又曰我不久語明日我去後  
汝於東北舍閣子中紫褥下取書送郎  
君言訖便去忽聞簾下極開云內家中  
惡中使索湯藥甚急及無雙也塞鴻疾  
告仙客仙客驚曰我何得一見塞鴻曰  
今方修渭橋郎君可假作理橋官車子

過橋時近車子立無雙若認得必開簾  
子當得瞥見耳仙客如其言至第三車  
子果開簾子窺見真無雙也仙客悲感  
怨慕不勝其情塞鴻於閣子中褥下得  
書送仙客花牋五幅皆無雙真跡詞理  
哀切叙述周盡仙客覽之茹恨涕下卽  
此永訣矣其書後云常見敕使說富平  
縣古押衙人間有心人今能求之否仙

客遂申府請解驛務歸本官遂尋訪古  
揮衙門居於村墅仙客造謁見齒生生  
所願必力致之繒綵寶玉之贈不可勝  
紀一年未開口秩滿閑居於縣古生忽  
來謂仙客曰洪一武夫年且老何所用  
郎君於其竭勞察郎君之意將有求於  
老夫老夫乃一片有心人也感郎君之  
深恩願粉身以答故仙客泣拜以實告

古生古生仰天以手拍腦數四曰此事  
大不易然與郎君試求不可朝夕便望  
仙客拜曰但生前得見豈敢以遲晚爲  
限邪半歲無消息一日扣門乃古生送  
書書云茅山使者迴且來此仙客奔馬  
去見古生生乃無一言又啓使者復云  
殺却也且喫茶夜深謂仙客曰宅中有  
女家人識無雙否仙客以採蘋對仙客



立取而至古生端相且笑且喜云借留  
三五且郎君且歸後累日忽傳說曰有  
高品過處置園陵宮人仙客心甚異之  
令塞鴻探所殺者乃無雙也仙客號哭  
乃歎曰本望古生今死矣爲之奈何流  
涕歔歔不能自已是夕更深聞叩門甚  
急及開門乃古生也領一籠子入謂仙  
客曰此無雙也今死矣心頭微暖後日

當活微灌湯藥切須靜密言訖仙客抱  
入閣子中獨守之至明遍體有暖氣見  
仙客哭一聲遂絕救療至夜方愈古生  
又曰暫借塞鴻於坐後掘一坑坑稍深  
抽刀斷塞鴻頭於坑中仙客驚怕古生  
曰郎君莫怕今日報郎君恩足矣比聞  
茅山道士有藥術其藥服之者立死三  
日却活某使人專求得一丸昨令採蘋

假作中使以無雙逆黨賜此藥令自盡  
至陵下託以親故百練贖其屍凡道路  
郵傳皆厚賂矣必免漏泄茅山使者及  
昇箠人在野外處置訖老夫爲郎亦自  
刎郎君不得更居此門外有檐子一十  
人馬五匹絹三百匹五更挈無雙便發  
變姓名浪跡以避禍言訖舉刃仙客救  
之頭已落矣遂并屍蓋覆訖未明發歷

西蜀下峽寓居于渚宮悄不聞京兆之  
耗乃挈家歸襄鄧別業與無雙偕老矣  
男女成羣噫人生之契闊會合多矣若  
罕有斯之比常謂古今所無無雙遭亂  
世籍沒而仙客之志死而不奪卒遇古  
生之奇法取之寃死者十餘人艱難走  
竄其後歸故鄉爲夫婦五十年何其異  
哉

無雙傳

謝小娥傳

李公佐撰

小娥姓謝氏豫章人估客女也生八歲  
喪母嫁歷陽俠士段居貞貞負氣重  
義交遊豪俊小娥父蓄巨產隱名商賈  
間常與段偕同舟貨往來江湖間小娥  
年十四始及笄父與夫俱爲盜所殺盡  
掠金帛段之弟兄謝之生姓與童僕輩  
數十悉沉于江小娥亦傷腦折足漂流

水中爲他船所獲經夕而活因流轉乞食至上元縣依妙果寺居淨悟之室初父之死也小娥夢父謂曰殺我者車中猴聞東草又數日復夢其夫謂曰殺我者未中走一日夫小娥不自解悟常書此語廣求智者辯之歷年不能得至元和八年春余罷江西從事扁舟東下淹泊建業登瓦官寺閣有僧齊物者重賢

好學與余善因告余曰有婦名小娥者每來寺中示我十二字謎語其不能辯余遽請齊公書于紙乃憑檻書法疑思默慮坐客未倦了悟其文令寺童疾召小娥而至詢訪其由小娥嗚咽良久乃曰我父及夫皆爲賊所殺邇後嘗夢父告曰殺我者車中猴聞東草叉夢夫告曰殺我者禾中走一呂夫歲久無人



悟之余曰若然者吾審詳矣殺汝父是  
申蘭殺汝夫是申春且車中猴車字去  
上下各一畫是申字又申屬猴故曰車  
申猴草下有門門中有東乃蘭字也又  
禾申走是篆田過亦是申字也一日夫  
者夫上更一畫下有田是春字也殺汝  
父是申蘭殺汝夫是申春足可明矣小  
娥慟哭再拜書申蘭申春四字于衣中

誓將訪殺二賊以復其冤娥因聞余姓  
氏官族垂涕而去爾後小娥便爲男子  
服傭保於江湖間歲餘至潯陽郡見竹  
戶上有紙榜示云召傭者小娥至應召  
詣門問其主乃甘蘭也蘭引歸娥心憤  
貌順在蘭左右甚見親愛金帛出入之  
數無不委娥已二歲餘竟不知娥之女  
人也先是謝氏之金寶錦繡衣物器具

悉掠在蘭家小娥每執舊物未嘗不暗  
後移時蘭與春宗昆弟也時春一家住  
大江北獨樹浦與蘭往來密洽蘭與春  
同去經月多獲財帛而歸每留娥與蘭  
宴蘭氏同宗家室酒肉衣服綰娥甚豐  
或一日春攜文鯉乘酒詣蘭娥私歎曰  
李君精悟玄鑒皆符夢言此乃天啓也  
心志將就矣是夕蘭與春會醉臥而室

酣飲暨諸兇旣去春沉醉卧于內室蘭  
亦露寢于庭小娥潛鑲春于內袖佩刀  
先斷蘭首呀號鄰人並至春擒于內蘭  
死於外獲賊叔貨數至千萬初蘭春有  
黨數十暗記其名悉擒就戮時尋陽太  
守張公喜而行廉吏旌表乃

得免死而已元和十二年夏歲復夫父  
之讎畢歸本里見親屬里中豪族爭求

聘娥誓不嫁遂剪髮披褐訪道于牛  
頭山師事大士尼將律師娥志堅行苦  
霜春雨薪不倦筋力十三年四月始受  
具戒于泗州開元寺竟以小娥爲法號  
不忘本也其年夏五月余歸長安途經  
泗濱過善義寺詣大德尼令操戒新見  
者數十爭髮鮮帔威儀雍容列侍師之  
左右中有一尼問師曰此郎豈非洪州

李判官二十三郎者乎師曰然曰使我  
獲報父讎得雪冤耻是判官恩德也顧  
余悲泣余不之識詢訪其由尼師曰名  
小娥頃乞食孀婦也判官時爲竊申蘭  
申春二賊名字豈不憶念乎余曰初不  
相記今即悟也娥因泣具寫記申蘭申  
春復父夫之讎志願相畢經營終始艱  
苦之狀小娥又謂余曰報判官恩當有

目矣豈徒然哉嗟乎余能辯二盜之姓  
名小娥又能覓復父夫之讎冤神道不  
昧昭然可知小娥厚貌深辭聰敏端特  
鍊指跛足誓求貞如爰自入道衣無絮  
帛齋無鹽酪非律儀禪理白無所言後  
數日告我歸牛頭山扁舟渡淮雲遊南  
國不復歸遇君子白誓志不捨復父夫  
之讎節也傭保雜處不雜女又貞也女

子之行唯貞與節能終始全之也如小娥足以傲天下逆道亂常之足以觀天下貞夫孝婦之節余備詳前事發明隱文暗與冥會符於人心知善不錄非春秋之義也故作傳以旌美之

謝小娥傳終



楊媚傳

楊媚者長安里中之殊色也態度甚都復以冶容自喜王公鉅人享客競邀致席上雖不飲者必爲之引滿盡歡長安諸兒一造其室殆至亡生破產而不悔由是媚之名冠諸籍中太僕於時矣嶺南帥申貴遊子也妻本戚里女遇帥甚悍先約設有異志者當取死白刃下帥

幼貴潘璉肉苦其妻莫之措意乃陰出  
重賂削去娼之籍而挈之南海館之他  
舍公餘而朝夕隱而歸雅有惠悌事帥  
尤謹平居以女職自守非其理不安發  
復厚帥之左右咸能得其歡心故帥益  
愛之而無歇間歲帥得病且不起思一  
見娼而憚其妻帥素與監軍使厚密遣  
導意使爲方略監軍乃給其妻曰將軍

病甚恩得善奉侍煎調者視之瘳當速  
矣其有善婢又給事貴室動得人意請  
夫人聽以婢安將軍四体如何妻曰中  
貴人言仁也果然於善無苦耳可促召  
婢來監軍即命娼冒爲婢以覘帥計未  
行而事洩帥之妻乃擁健婢數十列白  
挺熾膏鏹於廷而伺之矣湏其至當歿  
之沸鬲聞而大恐促命止娼之至且曰

此自我意幾累於渠今幸吾之未死也  
必使脫其虎喙不然且無及矣乃大遺  
其奇寶命家僮榜輕舸衛娼北歸自是  
帥之憤益振不踰旬而物故而娼之行  
適及洪矣問至娼乃盡返帥之賂設位  
而哭曰將軍由妾而死將軍且死妾安  
用生爲妾豈孤將軍者耶即撒奠而死  
之夫娼以色事人者也非其利則不金

矣而楊能報帥以死義也却帥之賂廉  
也雖爲娼差足多乎

楊娼傳終

李娃傳

汧國夫人李娃長安之倡女也節行瓌  
奇有足稱歎故監察御史白行簡爲傳  
述天寶中有常州刺史滎陽公者略其  
名氏不書時望甚崇家徒甚殷知命之  
年有一子始弱冠雋朗有詞藻迴然不  
羣深爲時輩推伏其父愛而器之曰此  
吾家千里駒也應鄉賦秀才舉將行乃

盛其服玩車馬之飾計其京師薪儲之費謂之曰吾觀爾之才當一戰而霸今備二載之用且豐爾之給將爲其志也生亦自負視一第如指掌自毗陵發月餘抵長安居於布政里常遊東市還自平康東門入將訪友於西南至鳴珂曲見一宅門庭不甚廣而室宇嚴邃闔一扉有娃方憑一雙鬟青衣而立妖姿要

妙絕代未有生忽見之不覺停驂久之徘徊不能去乃詐墜鞭於地候其從者勑取之累眄於娃娃迴眸凝睇情甚相慕竟不敢措辭而去生自爾意若有失乃密徵其友遊長安之熟者以訊之友曰此狎邪女李氏宅也曰娃娃可求乎對曰李氏頗贍前與之通者多貴戚豪族所得甚廣非累百萬不能動其志也生



曰苟患其不諧雖面萬何惜他日乃潔  
其衣服盛賓從而往扣其門俄有侍兒  
啓扃生曰此誰之第邪侍兒不答馳走  
大呼曰前時遺策郎也娃大悅曰爾姑  
止之吾當整粧湯服而出生聞之私喜  
乃引至蕭牆間見一姥垂白上接卽娃  
母也生跪拜前致詞曰聞茲地有隙院  
願稅以居信乎姥固懼其淺陋湫隘不

足以辱長者所處安敢言直耶。延生於  
遲賓之館。館宇甚麗。與生偶坐。因曰。某  
有女嬌。小伎藝。薄劣。欣見賓客。願將見  
之。乃命娃出。明眸皓腕。舉步豔。猶生遽  
驚起。莫敢仰視。與之拜迎。叙寒燠。觸類  
妍媚。目所未睹。復坐烹茶。斟酒。器用甚  
潔。久之。日暮。鼓聲四動。姥訪其居。遠近  
鼓已發矣。生給之曰。在延平門外數里。

冀其遠而見留也。姥曰：當速歸，無犯禁。  
生曰：幸接歡笑，不知日之云夕。道里遼  
闊，城內又無親戚，將若之何？娃曰：不見  
責僻陋，方將居之。宿何害焉？生數日，姥  
姥曰：唯唯。生乃召其家童，持雙縑，請以  
備一宵之饌。娃笑而止之。田賓坐之，儀  
且不然也。今夕之費，願以貧窶之家，隨  
其陳糲以進之。其餘以俟他辰。固辭終

不許俄徙坐于西堂帷幔簾榻煥然奪  
目粧奩衾枕亦皆侈麗乃張燭進饌品  
味甚盛徹饌姥起坐娃談話方切美談  
諧調笑無所不至生曰前偶過其門遇  
卿適在屏間厥後心常勤念雖寢與食  
未常或捨娃曰我心亦如之生曰今之  
來非直求居而已願償平生之志但來  
知命也若何言未終姥至訪其故具以

告曉笑曰男女之際大慾存焉情苟相  
得雖父母之命不能止也女子固陋焉  
是以薦君子之枕席生遂下路拜而謝  
焉同願以已爲廝養旋送目之爲野飲  
酣而散及旦盡徙其囊橐因各於寺之  
第自是生屏跡戢身不復與類相知聞  
日會其倡優儕類嬉戲遊宴中盡生  
乃鬻倭乘及其家重貲餘資悉使爲夢

盡邇來姥意漸怠妓情彌篤他日娃謂  
生曰與郎相知一年無孕嗣常聞竹林  
神者報應如響將致薦酹求之可乎生  
不之悞大喜乃質衣於肆以備牢醴與  
娃同謁祠宇而禱祝焉信宿而返策驢  
而後至里北門娃謂生曰此東轉小曲  
中某之姨宅也將趨而覲之可乎生如  
其言前行不踰百步果見一車門窺其

際甚弘敞其青衣自車後止之曰至矣  
生下適有一人出訪曰誰曰李娃也乃  
入告俄有一嫗至年可四十餘與之將  
迎曰吾甥來否娃下車嫗逆訪之曰何  
久踈絕相視而笑娃引生拜之旣見遂  
偕入西戟門偏院中有山亭竹樹葱蘢  
池榭幽絕生謂娃曰此姨之私第耶笑  
而不答以他語對俄獻茶果甚珍奇

頃有一人鞍大宛汗流馳至曰姥遇暴疾頗甚殆不識人宜速歸娃謂姨曰方寸亂矣某騎而前去當令返乘便與郎偕來生擬隨之其姨與侍兒偶語一手揮之令生止於戶外曰姥且歿矣當與某議喪事以濟其急奈何遽相隨而去乃止共計其凶儀齋祭之用日晚乘不至姨言曰無復命何也郎驟往覘之某



當繼至生遽往至舊宅門扃鑰甚密以  
泥緘之生大駭詰其隣人隣人曰李本  
稅此而居約已周矣第主自收姥徙居  
而且再宿矣徵徙何處曰不詳其所生  
將馳赴宣陽以詰其姨日已晚矣計程  
不能達乃弛其裝服質饌而食賃榻而  
寢生恚怒方甚自昏通旦目不交睫質  
明乃策蹇而去既至連扣其扉食頃無

人應生太呼數四有宦者徐出生遽訪之姨氏在乎曰無之生曰昨暮至此何故匿之訪其誰氏之第曰此崔尚書宅昨者有一人稅此院云遲申表之遠至者未暮去矣生惶惑發狂罔知所措因返訪布政舊邸邸主哀而進膳生怨懣絕食三日搆瘍甚篤旬餘逾甚邸主懼其不起所疾徙之於凶肆中綿綴移時

闔肆之人共傷嘆而互餉之後稍愈杖  
而能起繇是幽肆多日假之令執德惟  
獲其直以自給累月漸復壯每聽其哀  
歌自歎不及逝者輒臨咽流涕不能自  
止歸則效之生聰敏者也無何曲盡其  
妙雖長安無有倫比初二肆之傭凶器  
者互爭勝負其東肆車輦皆奇麗殆不  
敵唯哀挽劣焉其東肆長知世妙絕廼

釀錢二萬索顧焉其黨者舊其較禁所  
能者陰教生新聲而相讚和累旬人莫  
知之其二肆長相謂曰我欲各閱所備  
之器於天門街以優劣其不勝者罰直  
五萬以備酒饌之用可乎二肆詐諾乃  
邀立符契署以保證然後閱之士女大  
集會聚至數萬於是里胥告於賊曹賊  
曹聞於京尹四方之士盡赴趨焉巷無

吾人自其閑之及亭午塵抵鑾輦威儀  
之具西肆皆不勝師有慙色廼置層榻  
於南隅有長鬚者擁鐸而進翊衛數人  
於是奮髯揚眉扼腕頓顙而登乃歌白  
馬之詞恃其夙勝顧巧在右僂若無人  
齊聲讚揚之自以爲獨步一時不可得  
而屈也有頃東肆長於北隅上設連榻  
有烏巾少年左右五六人秉嬰席至卽

生也整衣服俯仰甚徐申喉發調容若  
不勝乃歌薤露之章舉聲清越嚮振林  
木曲度未終聞者歔歔掩泣西肆長爲  
衆所誚益慙恥密置所輸之直於前乃  
潛遁焉四座愕眙莫之測也先是天子  
方下詔俾外方之牧歲一至闕下謂之  
入計時也適遇生之父在京師與同列  
者易服章竊往觀焉有老豎卽生乳母

壻也。見生之舉措辭氣，將認之而未敢。乃泫然流涕，生父驚而詰之。因告曰：「歌者之貌酷似郎之亡子。父曰：『吾子以多財爲盜所害，奚至是耶？』」言訖亦泣。及歸，豎聞馳往訪於同黨，曰：「向歌者誰若斯之妙歟？」皆曰：「某氏之子，徵其名且易之矣。」豎惘然太驚，徐往追而察之。生見豎色動，迴翔將匿於衆中。豎遽持其袂曰：

豈非某乎相持而泣遂載以歸至其室  
父責曰志行若此汙辱吾門何施面目  
復相見也廼徒行出至曲江西杏園東  
去其衣服以馬鞭鞭之數百生不勝其  
苦而斃父棄之而去其師命相狎嫗者  
陰隨之歸告同黨共加傷歎令二人齎  
葦席瘞焉至則心下微溫舉之良久氣  
稍通因共荷而歸以葦筒灌勺飲經宿



忍活月餘手足不能自舉其楚撻之處  
皆潰爛穢甚同輩患之一夕棄於道周  
行路咸傷之往往投其餘食得以充腸  
十旬方杖策而起披布裘囊有百結縑  
縷如懸鶉持一破甌巡於閭里以乞食  
爲事自秋徂冬夜入於糞壤窟室晝則  
周遊鄠肆一旦大雪坐爲凍餒所驅冒  
雪而出乞食之聲甚苦聞見者莫不懷

側時雪方甚人家外戶多不發至安邑  
東門循里垣北轉第七八有一門獨啓  
左扉卽娃之第也生不知之偶連聲疾  
呼饑凍之甚音嚮悽切所不忍聽娃自  
閣中聞之謂侍兒曰此必生也我辨其  
音矣連步而出見生枯瘠疥癘殆非人  
狀娃意感焉乃謂曰豈非某郎耶生憤  
懣絕倒口不能言頷頤而已娃前抱其

頸以繡襦擁而歸於西廂失聲長慟曰  
令子一朝及此我之罪也蘇而復絕姥  
大駭奔至田何也娃曰某郎姥忽曰當  
逐之奈何令至此娃歛容却睇曰不然  
此良家子也當昔驅高車持金裝至某  
之室不踰期而蕩盡且互設詭計捨而  
逐之殆非人行令其失志不得齒於人  
倫父子之道天性也使其情絕殺而棄

之又困踣者此天下之人盡知爲某也  
生親戚滿朝一旦當權者孰察其本末  
禍將及矣○泰○況欺天負人鬼神不祐無自  
貽其殃耳○某爲姥子○迄今有二十歲矣○  
計其貲不啻直千金○今姥年六十餘願  
計二十年衣食之用以贖身○當與此子  
別○卜所詣所詣非遙○晨昏得以溫清某  
願足矣○姥度其志不可奪也○因許之○給

姥之餘有百金北隅四五家稅一隙院  
乃與生沐浴易其衣服爲湯粥通其腸  
次以蘇乳潤其藏旬餘方薦米陸之饌  
頭巾履襪皆取珍異者衣之未數月肌  
膚稍腴卒歲平愈如初異時娃謂生曰  
體已康矣志已壯矣淵思寂慮默相曩  
昔之藝業可溫習乎生思之曰十得二  
三耳娃命車出遊生騎而從至旗亭南

偏門鬻墳典之肆令生揀而市之計費  
百金盡載以歸因令生序棄百慮以志  
學俾夜作晝孜孜矻矻娃常偶蛩宵分  
乃寐伺其疲倦卽諭之綴詩賦二歲而  
業大就海內文籍莫不該覽生謂娃曰  
可策名試藝矣娃曰未也且令精熟以  
俟百戰更一年曰可行矣於是遂上  
登甲科聲振禮闈雖前輩見其文罔不

歛衽喜歎願友之爾不得娃回來也今  
秀士苟得一科擢一第則自謂可以取  
中朝之顯職擅天下之美名乎行穢跡  
鄙不侔於他士當龍犀利器以求再捷  
方可以連衡多士爭霸群英生繇是益  
自勤苦聲價彌甚其年遇大比詔徵因  
方之雋生應直言極諫策科名第一授  
成都府參軍三事以降皆其友也將之

官娃謂生曰命之復乎本軀某不相負也願以殘年歸養姥君當續媛鼎族以奉蒸嘗中外婚媾無自黷也勉思自愛某從此去矣生泣曰子若棄我當自剄以就死娃固辭不從生勤請彌懇娃曰送子涉江至於劒門當令我迴生許諾月餘至劒門未及發而除書至生父由常州詔入拜成都尹兼劒南採訪使浹



展父劉生因投刺謁於郵亭父不敢認  
見其祖父官譚方大驚命登階撫背慟  
哭移時曰吾與爾父子如初因詰其由  
具陳其本末大奇之詰娃安在曰送某  
至此當令復還父曰不可翌日命駕與  
生先之成都留娃於劔門築別館以處  
之明日命媒氏通二姓之好備六禮以  
迎之遂如秦晉之偶娃既備禮歲時候

臘婦道甚脩治家嚴整極爲親所眷尚  
後數歲生父母偕歿持孝甚至有靈芝  
產於倚廬一歲三秀本道上聞又有白  
燕數十巢其層甍天子異之寵錫加等  
終制累遷清顯之任十年間至數郡娃  
封汧國夫人有四子皆爲大官其卑者  
猶爲太原尹弟兄姻媾皆甲門內外隆  
盛莫之與京嗟乎倡蕩之姬節行如是

雖古先烈女不能踰也焉得不爲之歎  
息哉余伯祖嘗牧潯州轉戶部爲水陸  
運使三任皆與生爲代故請詳其事貞  
元中余與隴西李公佐誦婦人操烈之  
品格因遂述濟國之事公佐撫掌誦聽  
命余爲傳乃握管濡翰疏而存之時乙  
亥歲秋八月太原白行簡云

李娃傳終